

ماذا أفعل إذا جلست في مجلس غيبة؟

شريف علي

السلام عليكم. الحمد لله والصلاة والسلام على رسول الله. في سنن الترمذي عن ابي الدرداء رضي الله عنه قال قال رسول الله صلى الله عليه وسلم من رد عن ارض اخيه رد الله عن وجهه النار يوم القيامة. والنبي عليه الصلاة والسلام قال كل المسلم على المسلم حرام دمه - [00:00:00](#)

وماله وعرضه. يعني ايه من رد على عرض اخيه؟ احيانا بنبقى قاعدين في مجالس في المجالس بتاعتنا. فيبقى فيه آا ان شخص مسلا بيغتاب شخص قدامك وانت قاعد انت شايف ده يقع في عرض فلان بيتكلم انت قاعدين مجموعة بنات قاعدين مع بعض فبدأت واحدة تجيب في سيرة واحدة تقع في عرضها - [00:00:20](#)

تتكلم عنها بسوء بتغتابها. طب احنا نعمل ايه؟ مطلوب منا ايه؟ مطلوب مني. اول حاجة لو انا اقدر ارد عن عرض الشخص ده ادافع عن الشخص ده ارد غيبة الشخص ده اعمل ده لان ده ثوابه عظيم جدا. النبي عليه الصلاة والسلام قال من رد عن عرض - [00:00:40](#) اخيه رد الله عن وجهه النار يوم القيامة. يعني ان انا قاعد في مجلس فبدأوا يجيبوا في سيرة فلان. فانا قلت لهم يا جماعة ما تتكلموش على حد يا جماعة ده فلان ده شخص محترم ده فلان ده شخص آا كويس ده فلانة دي انسانة متدينة انسانة محترمة. بلاش نجيب في سيرة حد. يا جماعة اتق الله ما تعملش كده - [00:01:00](#)

ما تقولش كده. انت عندك دليل على الكلام ده. فهنا انا ايه رد عن عرض اخيه. دافعت عنه وهو مش موجود في غيبته. فزي ما انا دافعت عن الشخص ده في - [00:01:20](#)

رديت عنه الاتهامات او الكلام السيء او الوقوع في العرض ربنا سبحانه وتعالى الجزاء من جنس العمل. ربنا سبحانه وتعالى يكافئ الانسان اللي تعمل ده؟ قال النبي صلى الله عليه وسلم من رد عن عرض اخيه رد الله عن وجهه النار يوم القيامة. ربنا سبحانه وتعالى يصرف عنك - [00:01:30](#)

بما كنت تدافع عن الناس في المجالس ترد غيبة الناس ربنا يصرف عنك النار عن وجهك النار يوم القيامة. فضل عظيم جدا سبحانه الله وفي بخاري في يوم من الايام النبي عليه الصلاة والسلام كان مع الصحابة فسأله عن آا واحد قالوا اين ما لك بن الدخشم - [00:01:50](#)

فقال رجل ذلك منافق لا يحب الله ورسوله. يسأله عن فلان فين فلان؟ واحد قال لهم ده منافق. النبي عليه الصلاة والسلام قال لا تقل ذلك لا تقل ذلك. الا تراه قد قال لا اله الا الله؟ يريد بذلك وجه الله؟ النبي عليه الصلاة والسلام رد غيبة الشخص ده. قال له - [00:02:10](#)

ما تقولش كده لا تقل ذلك. وفي حديث آا كعب بن مالك توبة كعب بن مالك رضي الله عنه. لما تخلف عن غزوة تبوك. النبي عليه الصلاة والسلام لما وصل تبوك سيدنا - [00:02:30](#)

كعب بيحكى يقول ان النبي عليه الصلاة والسلام لما وصل تبوك سأل عن كعب فقال ما فعل كعب بن مالك؟ فقال رجل من بني من قبيلة سيدنا كعب قال يا رسول الله حبسه برداه والنظر في عطفه. قال له ده ايه ده كعب ده راجل آا مش بتاع غزوة - [00:02:40](#)

وبهدلة وسفر وكده بيغتابوا بينتقص منه قدام النبي عليه الصلاة والسلام فيقول ان ده راجل ايه؟ راجل ابهة كده ويبلبس لبس آا شيك فقام ايه فده مش بتاع بهدلة يعني. حبسه برداه والنظر في عطفه بينظر في الجسم بتاعه كده والقوة بتاعته والثياب بتاعته

فمعجب بنفسه - 00:03:00

فده مش بتاع بهدلة ومش بتاع جهاد. فقال معاذ بن جبل رضي الله عنه قال بئس ما قلت. والله يا رسول الله ما علمنا عليه الا خيرا. بئس ما قلت والله يا رسول الله ما علمنا عليه الا خيرا. سيدنا معاذ رد غيبة سيدنا كعب بن مالك. فالانسان - 00:03:20

لو انت قعدت في يوم من الايام في مجلس بيغتباوا فيه شخص آآ حاول تنكر على الناس. رد غيب الشخص ده. قل والله ده فلان ده شخص محترم. فلان ده شخص دين - 00:03:40

يا جماعة اتقوا الله. اعمل ده. طب لو ما قدرتش اعمل ده. يعني لو ما قدرتش ان انا ارد غيبة الشخص وانا قاعد. انا قاعد في مجلس مسلا مش هقدر اعمل ده لو تكلمت - 00:03:50

هيترتب عليه منكر اعظم من اعمل ايه؟ قوم امشي. يعني اذا لقيت الناس بتتكلم في كلام حرام بتتكلم في غيبة لا ما تقعدش في المجلس ده. ربنا سبحانه وتعالى مدح المؤمن ان هو يعرض عن الله. قال تعالى في سورة المؤمنون والذين هم عن اللغو -

00:04:00

معرضون. قال تعالى والذين هم عن اللغو معرضون. وربنا سبحانه وتعالى قال لنا ان احنا لو فيه مجلس احنا فيه حاجة حرام ومش عارفين ان احنا اه ننكر على الامر ده نقوم نمشي. قال تعالى واذا رأيت الذين يخوضون في آياتنا فاعرض عنهم حتى يخوضوا في

حديث غيري - 00:04:20

واما ينسينك الشيطان فلا تقعد بعد الذكر. ما تقعدش. يعني لقيت ان في حاجة حرام وانت قادر ان انت تقوم تمشي وتترك المنكر ده. اما ان تزيل المنكر واما ان تزول انت عنه. ده يبقى افضل لك واسلم. عشان خطورة ان انت تقعد في مجلس في غيبة وما تردش غيبة

الشخص ده او تقوم ان انت - 00:04:40

ممكن تشترك معهم في الاثم ان ربنا سبحانه وتعالى قال ان السمع والبصر والفؤاد كل اولئك لعنهم مسئولوا. الانسان هيسأل عن اللي هو كان اسمعوا فانا المفروض ان انا انكر على الناس دي او ان انا اترك المجلس واقوم اذا كان انا مستطيع لده فيبقى ده الافضل ليه؟

فانت اما ان انت تنكر على الناس ترد - 00:05:00

الشخص عشان ربنا سبحانه وتعالى يرد عن وجهك النار يوم القيامة. واما ان انت تترك المجلس وتقوم. لو انت مستطيع تعمل ده. آآ حاول ان احنا نعمل ده. ربنا يا رب يتقبل منا ويصرف عنا الفواحش ما ظهر منها وما بطن. ويوفقنا لما يحب ويرضى سبحانه وتعالى.

جزاكم الله خيرا - 00:05:20

سبحانك اللهم وبحمدك اشهد ان لا اله الا انت استغفرك واتوب اليك والحمد لله رب العالمين - 00:05:40